

寶閑堂集卷三

臨潼 張四科 詰士

強圉赤奮若

江南春

妾本江南子長江門外橫東風一夜起春水綠波  
生芳杜凌洲發幽禽選樹鳴誰憐花月夜脈脈獨  
含情

題文待詔秋林月屋圖

秋風兮刁騷秋林兮蕭條叩幽人兮茅屋月嬋娟  
兮秋宵展清光兮松頂帶明河兮耿耿注暗壑兮



泉聲澹橫空兮峰影相與步兮前墀忘兮露  
衣悄山空兮夜靜棲鳥警兮不定昔余臥兮中林  
頻見月兮開襟修翫事兮悵橫參清境一失兮渺  
不可尋披斯圖兮聊適然而長吟

馬大令榮祖卜居城西賦贈

揚州一都會高門徧廣陌伊誰厭塵喧眷言就幽  
僻夫君久從宦治行近無匹歸來惟舊貧著書老  
愈力昨于城西偏偶卜一區宅明燥宜圖書閑曠  
任種植借車載家具移居行可覲多暇課孤孫向  
陽布吟席廣厦本在心容膝不云窄固知高世者

出處皆可式平生託臭味喜亦動顏色還往約花  
時悠然數晨夕

訪楊尊師不遇

多時違道侶握手想清言賣藥知何處春風空閉  
門童眠丹竈側鶴步古松根惘惘不能去斜陽倚  
水軒

恭擬 乾隆聖德詩并表

臣 拜手稽首上言 臣 伏處草野不識 朝廷

事然涵濡閭澤被日月之光者四十餘年矣  
竊念自昔成周盛時及宣王中興雅頌迭作



鏗鉤炳耀下逮唐之元和宋之慶歷不過  
叛官人小小事耳其臣猶能鋪張揚厲垂耀  
中古今

皇帝如天之德雖不可以繪畫而朝野默然不  
能發揮耿光大烈臣竊思焉幼失學不試  
于有司無由上達今年幸遇再舉時巡之典  
敬撰 乾隆聖德詩自至孝養以下凡十章  
以首其事設廷臣文學有如韓愈石介者擴  
而大之釐而正之以備郊廟朝會樂歌俾千  
秋萬禩稍窺

聖德之涯涘

臣

誠不勝蹈舞至幸謹獻詩如左

至孝養恭上

皇太后尊號也

淵懿

文母聖德是相維我

后孝以天下養開

法宮設武帳飭四懸嚴兩仗寶函載啟鴻稱祇上  
壽樽斯陳百俎斯餉光風噉噉和氣盎盎舜何人  
斯云胡多讓俾天下烝烝維 后之貺

謁舊京重王業之本也

龍旗揚旆鸞輿有容六師啟行百辟攸從上京遙  
遙眷言徂東亦既至止除埽舊宮載歌天作 三  
陵是崇顧瞻周原實啟王風長白我我混同其江



有珠維續有貂丰茸三桎五葉人獲之叢錫宴父  
老爰及庶邦如周于錫如漢于豐

溥給復蠲天下田租也

我田我賦我民之職上古有程孰敢不力維大  
君之儉實致足國曰天下租可明年毋出載師曰  
都其永爲令式曰予寧愛是懼滋惰食其遞蠲之  
俾有休息

發倉廩勤賑恤也

欽我后御萬邦藝百穀豐且穰或阻飢曰偏方  
后曰嗟民其傷大司徒其聚荒發委積開囷倉往

食之而民康粵稽古若聖王莫與京惟禹湯

幸闕里釋菜孔子也

瞻彼大東兮式阻且深有奄龜蒙兮興雲霧霽啟  
璧宮兮檜之陰升其堂兮如日之臨仁義是蹈兮  
弦歌爾音元龜在櫝兮苞著在林俎折體兮鬯斯  
斟黍稷馨香兮祀事孔忱維素王兮冠古今歷三  
千年兮明德時歆爰陟岱宗兮憑冲襟陋古封禪  
兮予無侈心庶至道兮諒予所欽

綏遠夷定金川也

夷不靖西南垂恃險遠稽我師有相一德請往蒞



寶閣堂集 卷三  
之 帝曰俞往哉汝諧既受命戴星馳七日渡瀘  
水誓虎豹熊羆鼓角起地中蔽天旂旗梯衝百道  
礪房危乃弭甲解辦若崩厥角就羈縻曰生生世  
世其敢玩天威

大報天新郊壇也

惟天爲大降民嘉惠維 后虔祀物無弗備圓壇  
穹然就國陽位爰飭匠師率徒趨事尚質勿飾修  
炊平啜三垓惟冒八陞相次不日成之燔柴掃地  
紫煙上升蒼玉下瘞天人非遙于焉交際

崇古學舉通經之士也

六經如海孰遊于涘 聖學淵深悉究微旨曰士  
也立身必自經始涵泳道藝庶無骫廢公卿庶官  
曷升所知士言采其良貽背兒齒往貳我成均以  
教國子維稽古榮近莫與比化行之速影嚮之似  
績學者徒翕翕然興起

續神武削平伊犁也

蠢蠢準噶爾亦驚桀趙趙沐 列聖時宥三世稽  
天誅仍虐彼種人自潰夫誰尤駢首來叩邊乞師  
而號呼 后曰咨小醜不悛爾胡愚 祖宗所未  
定天今其遺予予天下共主忍獨棄一隅厥種亦



生民不抹斯虔劉乃兩道命將秉鉞趨遐陬師行  
若枕上剋日隳其都裂組係酋長飲至數馘俘大  
哉纘皇烈萬古揚昭休

南巡狩再幸江浙也

山峻極兮海有截兮萬方靖兮 皇情悅兮再省  
方兮于江浙兮予惟仁兮爾無憚兮予寧遊兮爾  
俗察兮庶政舉兮冗役汰兮錫良農兮賚黃髮兮  
登春臺兮臻壽域兮胥永永兮被 聖澤兮

風車聯句

嘗讀耒耜經張世進農具皆有法水車製已良王藻

茲乃更便捷八風供使令陳章萬澮隨歎欲不藉

黃犢牽陳阜無煩赤脚踏其下圓輪張四科其上

直木插交繫繩繩蔣德分張帆葉葉軸幹聲呀

呀萬涵機觸齒業業蜿蜒龍骨修世進翩翩鴉翅

接厥工舟與兼藻爲用巽坎合健行左右旋章順

動萬千匝形既相烏肖阜意仍轉蓬協碌碌不恐

泥四科泛泛非利涉田頭響刁調德塍畔走韉鞢

桔槔勞俯仰涵輓轡困疲繭遙睇誤連檣世進側

聽疑放閘袖手夏畦閑藻瞥眼秋稼納爰知備物

妙章始識因地愜作甘資灌輸阜恒暘賴調燮噫



氣任自然四科導流常不乏溝車慶滿盈德梁栢

置妥帖蜡祭從此修涵飛廉貺宜荅世進

題趙吳興三世人馬圖公伯長子仲穆諸孫彥徵作

雪蘭含風若無質展處神光照虛室上有三馬畫  
者誰魏公家世如椽筆或嘶或立或騰驤一一奚  
官牽欲出就中一匹集賢畫骨髀居然似曹霸莒  
州繼作略肥腴殊相亦與韓幹埒獨公所寫筆尤  
放夭矯如龍不可狀意氣寧論皂櫪閒風神直出  
曹韓上昔聞漢家天馬徠本是龍種產渥洼自歸  
六閑困翦拂空被金勒翻虺虺知公寫此寓不幸

子孫差喜非驚駘千秋讀畫固奇絕放歌獨為王  
孫哀

哭王別駕梁

與子闕攜手論交託鯉魚昨來傳厭世南望一沾  
裾從宦心原薄為農計不疎近聞時讀杜遺恨未  
成書

山雞

山雞照水矜毛羽兀立偶遭獵人取雕籠遠致行  
在閒擬備上林池沼觀天子何曾賞凡質尾禿籠  
中減金碧始知不若南澗濱常與野鷺飛爭食



哭董太守權文

落落風塵外論交十載強相思方潁尾懷舊忽山陽薄宦老逾拙孤兒幼可傷憑誰搜篋笥細碎有詩章

榮木軒前有海棠一樹偃蹇牆下仍歲不花慨然有作邀陳章德同賦

軒南一海棠種年逾十數憔悴不作花春風失妍嬋枝葉漸以凋根本諒難固得非違土宜毋乃乏雨露安得啄木鳥飛來去其蠢默念移植初實為娛目誤胡不樹松柏心空且如故網緼元氣閒萬

類日生聚亦如木蝎中剥喪尤所懼

重建黃文節公祠堂為查太守禮作

宋代推遺直西江憶舊壇此邦曾謫宦千載肅祠官風雨嗟無蔽丹青慘不完尚賢司土責修廢百蠻歡太息崇寧際方丁國步難禍仍文字得碑又黨人刊正士多遭綱惟公竟蓋棺憑依宜在是英爽未應殫洞戶榕陰碧飛檐荔子丹排年逢嶽降傾國奠神盤建郡猶祠李潮州合祀韓靈旗齊日月祠外即龍山有日月二峯終古照荒寒

李孝子詩并序



乾隆二十一年十二月某日夜儀真災延燒萬  
餘家孝子李方侍母疾火遽及其舍急呼婦昇  
母出母曰若小子女奈何孝子曰遑恤彼耶返  
視不可復入矣明旦往跡之則梁柱之未燔者  
支柱牆壁間子女竟熟睡無恙觀者爭歎異之  
夫火至必死屋摧必死終夜在煙燄中亦必死  
而不死得不謂有呵護者耶是孝感也不然烏  
能致是哉且聞孝子負販人耳至性乃如此嗚  
呼是可風且勸矣爰書其事并爲詩索同人和  
焉

畢方夜啼訛火及室遑恤我幼亟將母出一解母號  
于門曷拯諸孫勢無兩活兒寧寡恩二解昧旦而往  
哭彼傷殘謂其死矣而乃得完三解禍福無端匪常  
所料有格者天庶以興孝四解

送萬涵

已拚千里成長往豈意三旬是暫留眼底春風俱  
不住尊前夜雨更添愁人生黯黯惟應別世事茫  
茫可自由明日孤帆定何處爲君惆悵倚江樓

董子祠

漢代崇經術膠西負令望下帷精講誦對冊冠賢



良博舉開州郡攸司列序庠臨軒資啟沃佐治有  
輝光小邑遺風在叢祠大道旁几筵昭象服鐘鼓  
殷虛堂始識儒林貴彌嗟學殖荒玉常由不瑑弦  
弛合更張至行疇能砥空言罔克臧求賢詔自切  
造士法宜詳夫子乘時起猶懷不遇傷殷勤煩設  
醴棄置等浮湘王霸原相雜天人固昧茫致身雖  
寂寞曠世尚烝嘗一酌寒泉水高吟蕃露章寄聲  
縫掖輩何以荅明昌

開篋檢故物得余先生元甲寓漢陽時見寄  
詩扇觸手涕落不能展視自先生歿迄今又

二十年矣因循不學益負期許感而作詩索  
同人和之

慘淡簞上詩廿載藏篋衍今朝偶一檢未展涕先  
隕羊孚句本工何克戚非遠豈惟知己私實歎耆  
舊盡百年遂白髮四海誰青眼轉恨向濶疎平生  
安可返回念漢廣遊就養亦堪憫千里不我忘古  
道此汲引今公故交稀落落祇陳章閔華尊前互  
持示卒讀俱不忍顧我益荒落與世若荼堇庶幾  
沐遺風尺寸仍黽勉

秋雨菴聽琴



偶來修竹裏茶宴坐涼陰復此窓閒岫悠然石上  
琴閑中諸品靜老去道緣深永日鐘魚外寥寥獨  
會心

奉和萬涵留別之作

屢易行期已暮春頻來話別見情親交論白首從  
傾蓋道在天涯若比鄰休倚欄衡能作賦可憐王  
粲尚依人水清石瘦西江路未是途窮莫愴神

首夏榮木軒作

閑庭綠陰靜時聞鳥啾啾微雨過盆池的的蘋花  
開三日不臨照面目生塵埃本乏適俗韻彌覺閑

戶佳把卷憺無夢復起步空階清風拂修竹落日  
凌高臺煙際數江席故人來未來

謂竹  
可

廢池

橋圯荒池在青青半淺莎文禽相對少蓮葉向來  
多清影猶堪照美人寧重過春風不無意還爲起  
微波

題陳章湖上詩卷

故人湖上返輟棹即相尋示我新詩卷披之生遠  
心孤雲引興逸春水効情深試問諸朋舊伊誰最  
賞音



田家即事三首

土膏動春脈風興芸我苗  
駕犁露未晞行水月已  
高歸來婦孺喜遲我掩  
衡茅一杯慰力作蔭樹心  
逍遙丈人隱荷蓀顏子  
樂簞瓢志食頗自媿況敢  
惜微勞

杏花明村隅楊柳搖江汜  
隴麥亦芄芄顧之久色  
喜上可完租賦下可畜妻  
子預擬收穫暇置酒風  
日美殷勤會朋友黽勉  
論文史百歲未可知適意  
且如此

夏至農事集遶村小麥黃  
方將刈我麥又欲科我

秧刈麥既望晴科秧復需  
水天時固難料余懷殊  
未已切切在年豐夫豈貪  
夫比五風而十雨慨慕  
黃虞始

姪霽至

茅檐鵲聲喧知汝千里至  
燈前兩白頭覩縷故鄉  
事松楸幸無恙親舊多  
長逝本期握手歡聞之轉  
歔歔況聞中州饑道殣相  
枕斃婦孺遭掠賣盜賊  
頗恣肆承平尚如此沉思  
久心悸且如陝以西調  
挽役已既連年獲豐收米  
價未翔貴不知閭閻間  
何以日凋弊去鄉既餘悲  
行路復不易爲汝慰辛



寶曆堂集 卷三  
勤濁酒且須貰

午日諸君見過榮木軒試洞庭碧雲腴茶

靈草茁崦裏重深闕芳叢下脈浮天水上蔭太古  
松精華諒所託煙露沉爲功山僧采掇時往往遇  
毛公石鼎烹竹根清香散涼風以之代蒲飲欣與  
勝侶同淡味乃逾永真氣斯滌蒙三啜有餘歎名  
山殊未逢

讀前輩詩集各題一絕句凡十首

別裁僞體掃哇繁大雅千秋庶可論二自遺山埋  
骨後此公略有辦香存

青蓋黃旗入洛年白頭那得遂高眠庾郎大有傷  
心淚猶賴江南賦裏傳

悠悠禮教去人心此道終當遂陸沉韓筆杜詩規  
矩在百年惟見顧亭林

四海高名孰與爭琅琊早歲即崢嶸老來詩律如  
教細應免流傳誤後生

聲律才華鮮克俱賴君古道未荒蕪如何晚節瀾  
翻甚難起先生問指趨

北宋南施並擅場當時月旦漫評量五言淡永何  
人繼只有宣城梅耦長



寶大聲宏始不磨道腴可味養天和女蘿山鬼幽  
修語終覺翁山楚調多

浮華黷亂眼中新四海何人更識真休薄鈍翁才  
思少渠儂詩格亦清醇

司寇詩中一世豪談龍相詆異吹毛閑來試展飴  
山集空覺平生持論高

澗飲林棲大謝還故人高步浙河間近來地下應  
眉皺擗捨幾同李義山

沈孝子詩

孝子名數懋字禮存觀察嘉興沈公

青崖

子諸

生有雋才嘗遊于蔣君秋涇之門爲余道其事  
爰賦是詩孝子死時年僅二十五乾隆某年月  
也

沈氏有孝子讀禮未踰期倉皇救母櫬然死良可  
悲方午設薄奠火遽及總帷撫櫬但長號誓將身  
殉之良久賴撲滅幸免燬母骸孰意衷服藝情迫  
初未知解衣已莫及竟體無完肌嗚呼大節著往  
往在阡危設不素力定安能了無疑哀哀此一身  
疇非父母遺捐之苟得所何憚爛與糜臨瞑臥倚  
廬一氣僅如絲回顧母櫬在初願豈及茲生雖慟



寶鼎堂集 卷三  
不祿死當高名垂作詩代楚些用爲人子儀

題沈石田畫長松雙鶴

皎皎兩白鶴突兀蒼松根可近不可狎宛如君子  
人自非磊落士安能寫其真飲啄既殊態昂藏皆  
出羣潺潺幽澗水英英芝草春悠然得適性闕此  
空山雲白首慚跼促對之豁心神願訪青田侶永  
言辭風塵

漁

白頭忘世事嬾慢但垂綸終日對流水扁舟任此  
身花深竟何處溪遠不逢人豈必得魚利悠然即

隱淪

樵

託業白雲濺幽居在薜蘿侵晨腰斧出遠入空山  
阿松柏科還惜荆榛翦尚多夕陽且歸去負擔更  
行歌

耕

春及戒東作向田如有期非云盡地力即此用天  
時繁杏遶村白雙鳩喚雨遲扶犁寧不倦心事自  
熙熙

牧



放牛沿水草聊以息其勤永日春原上數聲風笛  
聞自諳馴擾性一任寢訛分此際忘機意應能不  
亂羣

雨中紅橋觀荷

水花不受暑得雨氣益涼舟行復屢樣流賞徧芳  
塘冥冥湖雲合蒼蒼隄樹長豈必凌極浦浩然來  
風香虛亭一延憩可以御清觴顧慚瘠勤者霑體  
方分秧

老僕

吾衰底處覺一僕鬢先皤曠役身常病應門語每

訛寧因無用棄終念服勤多衣食休嫌薄餘年更  
若何

和陳章簡蔣德作

雷同衆人貴獨善君子恥文章雖小技論定亦可  
喜賢者始虛衷愚者恒專已受言良獨難爭辯易  
紛起顧恐數斯疎非虞反見詆捫舌寧不讎良輔  
庶无悔願從和天倪濁醪有妙理惟此莫逆心悠  
然笑相視

東陳章三十韻

四海欽之子詩壇獨老成苦心追絕學多病謝浮



寶閣堂集 卷三  
名顧我才原薄尤慚識未宏悠優豐暇日講習仗  
同聲往者聯吟社風流得馬卿聲華傾一世氣誼  
動羣英小築延佳趣中林淨俗情江山邀勝賞花  
月入新評樊榭推能事當時實主盟連篇方錯出  
險韻或頻賡大小言良別悲歡境各呈響幽松吹  
遠思澈澗冰清惟爾齊褰翮居然遂抗衡殊途俱  
可至異曲底須爭詎謂終零落翻傷久合并曩遊  
難再得衰態漸相嬰空有回車痛旋看宿草萌高  
懷憶程丈絕藝想方兄金子稱文傑姚君志道精  
頻年胥夜壑地主亦孤瑩此日真堪惜殘編約共

營直窺正始際劣中古人程堅陣誰能犯偏師莫  
與京尋常最奇崛妥貼更縱橫不擬時流愛寧遭  
前輩輕殷勤驅蹇足黽勉和先鳴寂寞憐吾道艱  
難識蔣生敢云鼎峙立喜見璧同行一甕論文酒  
深宵聽雨檠白頭雖朽鈍壯志尚崢嶸

爲王舍人

景題三泖漁莊圖

之子相逢晚披圖見素襟青山三泖曲釣艇綠楊  
陰趨直修門遠回頭舊隱深秋風看漸起去住若  
爲心

秋雨菴納涼



竹逕凡數折窈窕入化城赤日所不到但有風泠  
泠小池水色淨片石苔花青浮雲戀枕簟爲我移  
時停中抱旣澹泊外境復幽清悠然甘茗粥即此  
學無生

題宋徽宗仿張萱擣衣圖

空閨夜長眠不得相伴擣衣秋月白或抱長杵方  
急春或傍紋砧儼離立或如凝思久未下或若旁  
觀疑少息兩人交鬢匹帛光其一裁縫針綫澀雙  
絲之絹盈丈長一一意態分毫芒伊誰寫此宋徽  
廟瘦金欸字題傍行我聞宣和大觀際燕雲黷武

調發忙授衣已近苦寒月砧聲四起淒風霜深居  
憑几守彜牝垂衣補袞希軒黃偶耽繪事仿妙迹  
豈因怨女哀沙場從來天子戒遊戲片言一動民  
生繫那知丹青若符讖終見兵戈滿天地虛堂展  
翫白日靜因之放歌久獻欵遼陽征戍自古多奈  
爾城南思婦何

夏日建隆寺齋會

夙雖昧道或亦无妄身世何營清淨是尚洩雲蒙  
晨追涼于郊嘉我素侶集此僧寮彖言往復焚香  
逍遙烹葵旣熟脫粟相邀欣然一飽用慰疲荅哀



寶閣堂集 卷三  
哀浮生未斷葦血淡薄焉求庶幾性澈經行晏坐  
移晷斯同籬花沍露林蟬噪風揮手歸路宵聞清  
鐘

秋水

遶郭清淮水連朝頓滿槽秋風方浩蕩夜雨更刁  
騷得氣蛟龍喜乘時版築勞安瀾應有望米價未  
須高

送王藻之京師二十韻

天末涼風動棲棲又傲裝寧惟遠行戀重以暮年  
傷伊昔偕時彥遭逢記 憲皇微車初賁至鍛羽

獨回翔不列金坡直虛叨玉饌嘗寂寥仍賣賦懶  
慢但遊梁賤子雖孤陋論交半老蒼攀嵇誠可喜  
說項愧何當朝並尋山屐宵聯聽雨牀斯時盛社  
集排日門篇章才思俱淩厲襟懷互激昂看花消  
歲月頌酒即行藏萍聚真陳跡蓬飄數異方倦游  
還假館無計緩離觴此去燕臺迴依然大道傍窮  
途紛白眼衰鬢滿清霜名士多羈旅平生漫慨慷  
未須焚筆硯詎可裂冠裳抱道身原重安貧氣自  
昌所期歸軫速投老共江鄉

秋日重集方氏荷亭



西風來幾日秋氣積林廬復此池上譙蕭蕭涼雨  
餘衰荷映水淨高柳拂雲疎飛光諒莫挽清境悵  
久虛不有琴酌歡歲晏其何如

觀棋絕句四首

灌藥澆花揔不悖疎簾清簟坐相邀山中可是無  
經濟長日惟將一局消

心陣冥冥角兩雄松陰剝啄響秋風曾偷三五神  
仙勢便向人間號國工

險如絕塞懸軍度怒似長河卷地來眼底輸贏關  
一著安危須仗出羣才

幾道侵分妙入神休時黑白自平勻笑渠斂手推  
枰後始羨從旁擺袖人

和陳章秋暑特甚懷蔣德

祝融肆餘威不省素節換泉涸紛曝鱗林焦鮮投  
翰輕絺猶厭著疎髮亦屢盥終夜若畏席過午未  
能飯居者且罕適行子得無歎歸雲自不停長風  
應可喚庶尉倚閭人炎歊非所憚

清晨食粥

晨起兩盂粥蕭然六氣澄充虛同備味嗜淡或衰  
微薛徑蟲初歇爪籬露尚凝鄰翁接閑話相慶又



秋登

方秀才 士庶 畫讓圃老樹圖

環山居士掩夜壑遂歎四海畫苑空昔時遊戲貌  
此樹蕭森十丈含長風豈惟榦古根拔地孫枝亦  
具干霄勢追涼盤礴愛濃陰潑墨淋漓想能事金  
支翠旗拂雲來化人樓閣彈指開千年朽質有厚  
幸便如移向天邊栽漢柏秦松同可羨敢惜從今  
罷遊讌故人絕筆且珍藏蒼翠分明眼中見

汎南濠

一舸城南路西風正落暉葦間秋水濶林際暮山

微漁客初吹火人家半掩扉悠然叩舷去沿月未  
能歸

秋日喬氏東園

近郊遊眺地絕愛此林亭叢桂寒初白一峰秋更  
青良朋欣有暇幽處記曾經相約霜楓候還來倒  
玉瓶

早起

幽人憺無夢沉值楚天曉行吟出東齋驚起林棲  
鳥宿露尚滑滑初陽已杲杲落葉滿階除山童猶  
未掃



坐秋雨菴竹亭

野氣秋自清  
沉在幽篁裏  
開軒澹相對  
語默皆名理  
沈沈空翠寂  
稍稍涼風起  
廓然身心閑  
徘徊遂移晷

和陳章病中作

停燈正相憶  
秋雨隔簾深  
忽枉苦寒調  
因知厭俗心  
加餐陶令菊  
強起子桑琴  
爲道須珍重  
還期共散襟

同人過榮木軒看菊

平生頗疎嬾  
三逕但藜莠  
昨移數叢菊  
開花忽紛

糝對之自心  
遠矧復偕素  
友且可盡清  
尊安能悲皓  
首香微風過  
時影澹月出  
後達哉東籬  
人未覺去我  
久

過鐵佛寺看黃葉

林容霜後變  
人外一來看  
迴帶斜陽靜  
平臨古殿寒  
興移歸鳥集  
吟罷暮鐘殘  
莫問興亡事  
悠然更倚闌

和陳章對月飲酒

月出羣動息  
尊滿百慮休  
即境匪予解  
世人定知不  
我生既寡營  
此際自悠悠  
幸不負良夜  
敢附達



者流

秋苔

苔痕秋尚綠生意未全非色靜疎林下寒侵片石  
微地偏終自保人迹向來稀寂寞西風候寧同百  
卉腓

哭汪五丈

玉樞

繫昔喪婦初索處何伶俜微才荷相賞彌薦潘楊  
情一日不攜手詎謂隔平生回思二十載有若影  
與形君歿少遺憾委順理亦明所悲爲知己豈獨  
傷老成舉世競夸毘誰歟懷樸誠從此甘寡合聊

云盡頽齡

野柏

託根寧得地聳幹迴凌空卓立塵囂外全生寂寞  
中清陰自明月香葉亦春風君若求梁棟崇岡蟠  
據同

拳毛騮歌

秦中廐馬雲錦屯有騮拳毛衆所棄盡日惟依櫪  
皂閑此生幸免鹽車斃絕無斑駁似連錢但覺蒙  
茸如縮蝟芻豢雖稀骨骼存長鳴未損驊騮氣主  
人昨有南行役聊命圉奴被銜勒旋毛爲醜時亦



貴涎顙承乏人因惜不期歷塊若康莊遂令同羣  
皆辟易夕秣荆山落日紅朝渡渭水寒流碧吾聞  
肥相多駑駘豈必龍種無虺隤追風躡景匪虛語  
王良伯樂安在哉向非一試固莫識便養終身亦  
可哀何當用作將軍騎萬里生擒猾虜回

和

秀水蔣德

主人愛馬重神駿主人賦馬才何橫偶然有感  
拳毛騶頻擊唾壺發豪興當日西歸曾入關關  
中健馬連雲山朝來檢閱廐中騎此馬空羈棧  
豆閒乍看風鬃但蕭瑟少試康莊絕奔逸驪黃

牝牡見未忘綠耳驂騑眼前失主人一生多激  
昂西風短鬢愁蒼蒼放筆似抒氣磊落據鞍尚  
想神飛揚請君且毋爲馬惜多少雄姿死伏櫪  
長鳴雖有戰場心不遇英雄誰控勒

題侶松上人壁

庭空紛敗葉院靜若深山落日下林際老僧殊未  
還佛香掩閣在經卷向窓閑坐覺微鐘遠悠然徧  
世閒

孤泛

岸柳冬未凋湖水寒更澈蕭蕭落照中獨泛肆愉



實閣堂集 卷三  
悅興清轉延趣境闌如詣絕方因好風引還對遙  
山歇浦口橫暮烟林端帶新月幽意悵誰同白鷗  
自明滅

程秀才 廷鑣 覆舟詩以慰之

聞道幾成淪溺悲相逢一笑話當時自緣風利真  
難泊不信舟虛忽觸危滅頂已占无咎象臨淵須  
記小旻詩爲君稱賀還惆悵世路于今更嶮巇

月下聽余 夢易 彈琴

寒月何皎皎照我疎樹林何以寄清興請君調玉  
琴月是太古色琴有太古音即境豈遐慕寥寥此

夜心

感事贈王太守 歲興

卅年憂患感師門老去終難忘九原開網已蒙矜  
朽骨若堂應許荅私恩赭衣雜履悲何及華屋山  
邱事可論聞道舊時多義故不知會葬幾人存

冬日秋雨菴聞梵

佛火微明處空林正寂然妙香生靜夜清梵散諸  
天法證聲聞果心空解脫緣松風吹未斷寒月滿  
階前

題仇十洲畫程門立雪圖



寶陽堂集 卷三  
天寒罷講日云暮密雪已封門外路先生隱几虛  
堂中兩賢拱立無惰容披圖拂面北風勁千載令  
人仰儒行即此尋常侍晏閑想見斯須不忘敬

題袁安臥雪圖

朔風蕭蕭一丈雪汝陽城中烟火絕道傍乞食何  
紛然僵臥高人門獨閉飢凍誰能強自持袁公清  
節冠當時應嫌不妄干人意猶被停車大令知

雪中運使盧公招集官梅亭分韻得晚字

飛翼何茫茫式宴鈴閣晚凌風凍鶴唳拂逕修篁  
偃公喜爲農瑞暫慰勤民悃政閑興旣清跡顯心

自遠授簡愧鄒枚沈飲廁嵇阮獨對早梅花遙情  
馳絕轡

送某太守入蜀

親朋滿四座明燈譙高堂尊有宜城醞盤有漢陰  
魴切切盡情話琅琅奏絲簧寒月照戶白一舉累  
百觴觴罷忽不樂送子守遐荒蠶叢萬里遠家室  
不得將經歷險復阻蒙犯雪與霜哀猿啼一聲行  
人皆斷腸勒銘憶張載按轡感王陽邊鄙紛無告  
渴望牧伯良男兒三十時事業宜未量爲君安氓  
俗母悲去故鄉



題宮保方公觀承棉花圖歌同方士虔作

垂裳而治稽往古始養蠶桑漚麻苧棉花或云厠  
貢筐未拯天下寒者苦細鱸白疊著蠻方迦羅婆  
刼微梵語厥種有二木與藤藤本晚近入中土四  
月下種七月收所望皇天不淫雨著花燁燁金琅  
側結實茸茸鶯毳吐載彈列肆旣抨弓促織深閨  
方抱杼奇溫遂不減毛褐賤直尤堪覆貧窶舒州  
尚書開幕府風化仰承恭儉主故使良工寫作  
圖枝葉扶疎色鮮嫵更傳方法勸栽培欲致黔黎  
盡陽煦便同廣厦與大裘不比茶經復花譜吁嗟

乎蠶桑之利豈不溥奢僭轉滋莫能沮衣馬寧惟  
豪貴流緣履乃至臧獲伍安得伐桑滅蠶塞其源  
但植棉花徧寰宇

歲暮雜詩十首

高陽乘冬雲肅然振其轡詰朝始大寒天地亦否  
閉守身如蟄蟲會待春陽至大道有詘信毋爲歎  
淒厲

撼撼木葉落而知歲序闌晶晶瓶水凍而知天下  
寒至人秉化機靜中循其端屯剝匪無因幾微見  
誠難寄聲蚩蚩者履霜有餘歎



寶開堂集 卷三  
空山雪下桐寒女機上絲其材則堅韌其聲則希夷取以爲雅琴奉君清晏時如何君不御對之生臥思古調空自好絕弦徒含悲茫茫一世間知音其爲誰

朝噉兩盂粥夕飲一杯酒何者爲不足有餘亦安取援琴聞子桑帶索有榮叟窮悴豈爲累高名殊未朽

步出東郭門跂石清淮隅終日把一釣不得雙鯉魚雙鯉非所欲故人久無書自因長河冰諒不遐棄余

落日滿平野獨上吳公臺中原不可見嗷嗷鴻鴈來河伯胡不仁秋水大爲災人事復相戾天心安在哉死者亦已矣生者有餘哀朔風動千里浮雲猶未開臨眺久戚戚何以騁我懷

荒荒燕然山鬱鬱雲中塞聖朝豈佳兵猾虜命猶貸推冰度廣漠積雪沒駝背孤軍應已歸戰守宜有賴實憲彼何人魏尚復安在

鑠膠而以寒造冰而以溫披裘夏之日衣葛冬之晨逆時旣不可雖令何由申識此天人理庶得教化源吾嘗仰而歎四野多浮雲慨彼曝背者猶思



寶開堂集 卷三  
貢其暄

日入且休息怡然安閨房神清了無夢枕席凝微  
香嚴寒既洊至萬物皆伏藏掩身復靜事古訓況  
章章雞鳴識夜半烏啼感晨霜物性尚有知一不  
踰其常酣歌與恒舞胡可達朝陽昏嬉就天闕負  
此冬夜長

日力不暇給月計或有餘君子務自強不息如化  
車修途尚莫致殘歲脩云除苟能要其終默然識  
權輿

寶開堂集卷三



寶開堂集卷四

臨潼 張四科 詰士

著雍攝提格

早春對雪東陳章

青陽始迴馭猶未埽多陰一夕瑤華飛英英積空  
林凌風孤梅格隔牖修竹音對之坐成寂悠然發  
孤吟美人阻泥塗高臥衡門深豈必遠千里即此  
勞寸心

擬行路難五首

君歌行路難使我聞之久不豫生非阮籍與楊朱



寧哭窮途泣岐路君不見大道坦坦直如弦行人  
萬古相往還北走貉兮南走蠻履仁蹈義兮無險  
艱中有捷徑慎勿踐踐之或恐生憂患

服不衷兮身之災嗜美味兮乃爲疾鵠冠伊戚終  
自詒肉食者謀未能遠十洲仙人乘孔鸞肝腸潔  
雪顏渥丹雲霞以自被風香以爲餐視之不啻蜉  
蝣與蟻螯振羽蠹李驕其曹

臥君流蘇九華帳薦君雕紋七寶枕中央橫陳素  
女圖蛾眉皓齒充君寢爲歡幾何損君壽或致生  
戎或言醜黃帝幸御千二百終得乘龍作仙伯奈

何俗人誤一女敗其度

生既不陟羊腸九折之峻坂復不涉呂梁千仞之  
洪淵高堂燕寢足自適亦有傾覆胡爲然請君進  
一觴爲君歌所以不在舟兮不在輿不在山兮不  
在水晏安鳩毒良爲患自強不息寧得已

若有人兮山澤臞尻輪神馬恣所如遠遊八紘一  
息餘身未出戶閑而愉欲往從之苦莫逮不殊夸  
父逐渴烏瞻前忽後復在隅可望難即心踟躕日  
暮途遠眇愁余

初春過田間



寶鼎堂集 卷四  
前旦出郭門風雪殊未已今朝憩田間晴光曖墟  
里雉雊隴上麥魚戲溪中水林木紛向榮柔荑發  
桃李淮南春事早幾處農歌起飽食非所安欣看  
歲功始

薄暮蜀岡看梅

蒼蒼岡勢橫藹藹松陰碧繁花明其間了不受暝  
色行歌侶歸樵于焉一散策放舟信微風湖天渺  
然夕回首暮煙中娟娟山月白

過著老書堂看殘梅

聞道梅花落紛紛點綠莎數枝猶好在高館此重

過坐惜風微起吟憐月漸多一尊明後夜惆悵復  
如何

爲兒子

圻

題秋夜讀書圖

幸有遺經在吾衰望汝殷所希循古訓不獨致青  
雲庭樹涼歸早窓燈夜欲分一編當此際慎勿惜  
辛勤

城虎行

野虎殺人驚巷陌城虎殺人了無迹所異城虎不  
獸形柔聲媚色工逢迎縣官下令捕野虎南山白  
額藏深莽城中之虎轉咆哮惡名已著官刑逃野



虎雖盡城虎多萬事顛倒夫如何嗚呼萬事顛倒  
夫如何縣官亦自擇肉食翻播循聲虎渡河

軒前病海棠作花

已拚成朽質誰分得春光寂寂凌虛檻疎疎坼  
房婆婆終可歎封殖未曾忘莫辨榮枯理花前且  
一觴

篠園圖爲程

名世作園本香溪太史別墅今改三賢祠

千竿彷彿渭川居復有茅堂枕碧渠今日都人來  
薦菊當時學士此焚魚林間小阮風流在袖裏新  
圖涕淚餘曾是追陪文酒地白頭披玩意何如

自鳴鐘

相風之車記里鼓制器尚象從往古何如此鐘解  
自鳴鬼工善幻仍合矩大者爲櫝復爲奩小或纔  
能彈丸許虛中木其廓玻璃嵌四周懸鐘于是閒  
穹窿如覆甌圓瓷蔽之左行字始子終亥形蟬蚪  
靈機潛運內不息爭針右轉外可求每歷一時輒  
一響殷然而起泠然幽吾聞歷象建大紀必自紬  
績日分始測晨揆景倘有差歸餘履端皆失軌西  
域之人擅布竿其法尤密槩見此無煩銅儀與土  
圭足證勾股兼觚矢昔者挈壺備有司所賴渴烏



寶鼎堂集 卷四  
引水知季世亦傳晷刻器稱漏輪漏俱精奇何年  
匠作失其式此得不仍彷彿之吁嗟乎海舶南來  
疾于鳥百貨錯陳極淫巧賈胡趨恐後虛耗頗不  
少懿此吉金之舌慎弗捫猶爲人間報昏曉開房  
淨几位置宜默聽清音心了了不離三百六十五  
度運行中直達八十三萬餘里元氣表

刷筍

荷鍤春林下穿籬笋漸長刷連苔翠破出帶土膏  
香歸路攀條束貧家入饌常殷勤戒多取亦恐使  
根傷

千里鏡

髹筒相屬可伸縮兩端頗黎光映目豈惟坐中照  
四鄰居然千里見逼真君不見琉璃合四規鏡是  
心是眼且莫定從來殷鑒在萬古千里區區何足  
數世人得此傲離朱可憐所見仍方隅

題吳上舍均疏泉圖

泉源壅沙石良不因險止苟欲導之流必自發蒙  
始派別爭赴壑清泠復盈耳分潤徧山林弗羨河  
九里

送外甥王魯歸里門二十四韻



僑寓江淮久家園鄠杜旁百年歸把玩一飯剝傍  
徨親戚嗟成濶松楸懼見戕漸衰易興感多病復  
相妨失喜吾甥至還驚兩鬢蒼愁顏宜暫緩情話  
豈知長告去胡勿遽相思又渺茫艱難將遠駕涕  
淚此離觴維昔同懷盛于今大半亾當余揆初度  
爾母早還鄉時節空能憶音書祇可傷歿纔悲上  
冢生未戲牽裳冥漠真何及栖遲那竟忘分攜方  
浩浩觸緒益悵悵顧我渾無俚安心亦有方讀書  
寧妄冀抱道或終昌惘惘看時事悠悠守故常損  
歡誠類謝任達却輸莊送別神俱往臨岐語更詳

新阡存有道敝宅託維桑此去煩料理他時免就  
荒寂寥憐我出才行獨而良諒不羞形似知尤念  
渭陽歸耕何日遂攜手與同行

爲馬大令題蓮花峰圖

伊昔馬首東解鞍湖城夕聞君登太華欲從悵難  
即昨歲投紱還示我圖盈尺乃是蓮花峰亭亭插  
天直林泉儼回互雷雨疑倏忽關隴渺莫辨巖磴  
若可陟我家茅堂前百里見嶽色自與靈境辭徒  
令歸思積羨君飲水清兼具看山癖蕭然一室中  
臥遊有餘適



四月八日清齋禮佛

晨興肅盟漱象設空齋陳風聞調御氏降生及茲  
辰寂滅向千劫皈依尚如新香燈增晝靜蔬果具  
時珍匪獨資願力固已忘根塵新篁映風牖微雨  
過池蘋永日但趺坐結此清淨因

庭前長新竹一竿

雖喜添新竹孤生奈爾何涼纔通臥內陰不滿庭  
阿高節豈易見清風寧在多今朝到林下亦爲久  
婆娑

五人墓

片紙俄收吏部郎萬人號救五人亡一時駢首心  
無恨異代幽宮祀不忘民隸盡知冤廣漢生徒空  
欲請嵇康獨憐義激還身殉死傍要離骨亦香

棄置辭示客

貧家養女少媚嫵主人選列蛾眉伍容止羞澀諒  
不宜一旦棄置與君辭妾身固無出衆貌妾年未  
及退房時舊來豈有專夜寵今日翻銜到死悲承  
恩雖然無醜好終愧不能諳婦道去去空閨甘自  
守敢言君家難爲婦

靈龜篇爲金徵君農賦



介蟲三百六玉龜含靈首清淵嘉林閒導引千歲  
久何由采得之被文甲不黜鳳皇翔丹霄麒麟遠  
郊藪胡違莊生訓乃落余且手嘗服史公言扶衰  
孰其右幸已謝鑽灼復不虞敗朽神物必有歸子  
尚敬以守寧冀書出洛豈羨印在肘冥冥與之俱  
保茲無京壽

京師萬壽寺永樂華嚴鐘歌

上都梵剎象設崇廣楹舊懸萬石鐘相傳有明成  
祖世鑄此遠采西洋銅尚象不煩作九乳肖形安  
用蟠十龍華嚴三萬六千偈布滿樂銑連旋蟲緊

昔靖難取大物一時屠戮胥良忠不同識律漢元  
帝詎若佞佛蕭老公悔心或萌仗願力末路亦爾  
嗟英雄解襮擬借長者論遞響冀與幽冥通特懸  
之器古所重大樂以閒稱維鏞六分其金錫居一  
細不過羽大主宮自從天子失其職而始慈氏銘  
厥功侈弇破度既太甚聲振百里無春容況聞竺  
書且偽造焉得冤魄因之空史稱成祖有大略胡  
亦碌碌如愚蒙州鳩已往孰獻典臯氏徒復咨考  
工曷不考之中音順天道端拱闔闔遂八風

客有談故將軍事者賦之



酒酣雙耳熱復典鸛鵲表看君颯華髮意氣尚莫  
儔昔事大將軍萬里從軍遊星馳青海戰電卷黃  
雲愁埽除王庭空指顧胡命休成功獻天子開國  
冠諸侯豪貴讓絕席卿相拜馬頭勢等山嶽崇權  
將人主侔此時亦受賞仍參幄中籌微諫媿伍被  
游揚希曹邱門生半天下資貨溢九州武安益驕  
橫淮陰無反謀由來功名盛容易生瘡疣天子終  
見疑廷尉俄來收冰山一朝摧敵國起同舟盈庭  
對獄吏獨蒙脫累囚赫赫顯要地昔人戒輕投炙  
手雖可熱失足易起羞臨事苦不慎過時空自尤

于今年七十不醉復何求

時雨

良苗剌剌播種及茲皇靈降澤沛然應之晨起荒  
齋草樹離披我非農夫中心實怡昔嘆是憂今也  
則夷豈遂有秋庶其可期閉戶蕭然援琴莞而念  
彼耕者霑濕奚辭予雲被野白水盈陂望望東臯  
田歌熙熙

荅陳

章雨中東蔣德

及余之作

故人三日闕良覲忽枉新詩破孤寂檐外濃雲撥  
不開燈前細雨愁仍滴上言反袂弔天殤下言久



客懷故鄉值此愁霖發浩唱還念朋輩乖同行卒  
讀未能久歔歔大抵人生多失意仲宣賦罷悵安  
歸夷甫情鍾難制淚吾曹臭味殊羣衆欲采萱蘇  
解憂慟百年哀樂何不有請君爲道須珍重君不  
見延陵喪子羸博間葬埋合禮三號還君不見曾  
參旅人淇水側歌聲出戶若金石

喜得兩姪歸耗因寄

汝輩之官又二年尺書忽報欲南還他時常恐歸  
期濶此日還勞望眼穿北鴈寒雲應首路黃河新  
漲莫連天蹉跎未恨遲相見消息秋風豈浪傳

大母晨昏念汝深固應金馬謝浮沈謂坦已催釀黍  
拚同醉寧待郵書更報音調膳代終烏鳥養遂初  
休誦白頭吟向來契濶愁何在眼底團圞喜不禁

養魚

城市倦時燠百事莫爲娛瓦盆注新水飲此汧陽  
魚升斗勿謂窄游泳已自如貪餌況不至粒食且  
有餘嘅彼鱗鬣佳故充臨翫需仰給亦旣微爲生  
終可吁余懷方獨遠渺然在江湖

種竹

舊叢拂青雲新叢偃蒼蘚參差遶吾廬瞻言即小



寶閣堂集 卷四  
隱種橘一千頭藝桑八百本生計固可資清興何  
由展旣雨碧色交當暑微風善豈必希王猷聊此  
開書卷

雨止

一雨脩十日江村六月寒晚來扶杖出返照開林  
端偶接農人話正憂田水寬豈知膏澤降猶覺適  
時難

夏夜篠園

湖風薄暝起野月正東上林居謝煩暑夜境更蕭  
爽荷露泣已盈行吟卷虛幌時送微香來兼之滴

清響涼意浩無垠靜氣溢羣象嗒焉吾喪我竟夕  
此偃仰

哭王太守

歲興

早從童稚識君名放浪何曾不近情縱酒自甘遭  
世棄拂衣寧肯冒時榮十年風雨深交契今日鄉  
閭失老成輿論蓋棺應已定一時親故盡吞聲  
匏尊明孝廉嘉興巢鳴盛手製

曲沃佳懸匏上古備樂志迨從杯飲後亦與行酒  
事孝廉喪亂餘不復歎徒繫所希顏巷樂寧效許  
由棄爰將瓠落材斷之代尊觶緯蕭託微尚織屨



有深寄近今淳樸亡慨然見古製我姑用酌之夫  
豈惟其器

題輿地圖

四嶽仍堯封萬國肇禹迹遠古皆可稽豈不賴圖  
籍 昭代秉鴻鈞聲教無壅闕丹青入流觀疆宇  
何婉孌通都辨豪髮荒野識咫尺山川相經緯華  
夷分障塞燦逾唐十道廣過宋九域聿維奄有緒  
罔弗恃險阨何如先得人不曰尤在德又聞控御  
方或頗事戎狄羈縻信有術勞費終何益 聖明  
方當陽覆載均立職繪事匪徒精往蹟因可繹願

以備殷鑒允言建皇極

夏晚露臺觀雲

悠悠垂天雲無心自卷舒迎秋氣益涼向夕態轉  
殊歎烝當鳥路昭回橫星衢瑰異難強名變幻何  
紛如我方臨高臺身與萬象俱默悟文章妙了識  
造化初長風忽盪漾皓月倏成孤目翫惜俄頃瞬  
然還太虛

題藥地大師山水

喬木崇岡翳筠石剡籐妙寫荒寒跡蕭蕭燠館起  
涼風冉冉白雲生素壁滄海橫流出世時苦耽筆



墨尚何爲可憐濁世佳公子剩水殘山滿眼悲

新涼飲酒三首

朱夏方炎炎臨觴有難色及茲秋風生得酒便能  
喫南軒高樹下蒼翠蔭几席聊一斟酌之兀傲遂  
云夕杯酒非有殊自爲外境惑向果何所苦今復  
安所適

棲鳥振逸翰翳蟬厲清聲顥氣從何來默已動羣  
情我生豈木石泊然忘飛鳴高風有折羽嚴霜終  
蛻形何如蓬蒿閒以酒全其生

陳子勸我飲隔歲寄新詩蔣君此繼作慟我哭妹

悲秋來自如故人事分樂哀彭殤況莫料不如飲  
酒佳高堂有白髮安敢苦縈懷明月照廣除涼風  
吹絺衣幸餘一尊酒二仲倘能來

斜路行

出門徑路紛在望一斜一直從所向直路雖平何  
曼曼斜路雖險道里半行人往往生狐惑欲速非  
關無脚力前有坎穽後荆棘到此始嗟行不得前  
人失足後人悲後人蹈之不自知

城南秋泛

清溪一棹獨往高樹涼風乍還白鳥去邊殘照青



寶閣堂集 卷四  
蘆缺處秋山

柳陰沙市初暝渡口漁舟漸稀自愛沿緣明月不知涼露露衣

官園鶴

老鶴骨骼空傀奇官園久住傷羈雌鍛翮經年養未就赤霄舊侶如見遺稻糧恩薄況不足爭食每被羣雞啄乃知君子處困時常與衆人同碌碌

懷蔣德

戀友心空切寧親去敢遲纔爲三夕別已是百回思避日簾仍下追涼榻未移不知江上路秋暑可

曾衰

江村

泛泛清江曲數家閑結廬秋花映籬發沙柳向門疎合有高人隱貪看稚子漁棹舟仍欲去何處問幽居

南園

廿年懶問城南渡秋水蒹葭自如故名園遂見化汙萊雙鬢無情忽衰素憶昔謝家延賞日疏泉駕壑稱幽絕左芬最小更偏憐正及青春詠桃葉湔羣水上采芳蘭聯句林閒飛朔雪歡遊假日屢追



隨良讌平生頗稠疊涼堂燠館今何在人臥蒿邱  
多歲月已嗟盛衰相倚伏何況死生成契濶哀樂  
中年祇自傷蒼茫陳迹憑誰說東方月出未回船  
老樹西風助悲咽

秋日馬徵君

曰璐

招集小玲瓏山館送陸郎

中鍾輝之京師

高館秋初肅離筵夜復清舊遊方有感遠別更含  
情半殞井梧瘁將辭社燕驚不堪尊酒畔相對一  
沾纓

共宅今何在

謂讓

分箋昔每隨合離誠莫定出處

詎能期潘令歸曾早馮公達已遲長安居不易努  
力向明時

郡南樓登望

秋風日悽厲行復授我衣高城肆遐矚危檻凌清  
暉威紆淮流盛掩映吳岫微近垌澄朝霽遠林藹  
宿霏潛魚若有擇逝鳥如知歸延覽暫意豁棲遲  
久心違俗既儼薄甚人將奢僭希素業恐遂墜百  
世其焉依方圖問樂土亦言屏塵鞿

家叔卜隱江村感而有作

阮公曠達姿恒憚與俗偶昔是去官人今將事農



畝南村富田園恰對清江口慨焉思移居世緣復  
何有浮生固有分憂樂惟所取作計寧不臧得此  
良已厚何時載家具幡然別親友閑課隴上耕自  
種門前柳城中紛埃事碌碌勞趨走余亦寡所諧  
行當從公後

汪處士士慎八分歌

巢林先生年七十忍寒炙硯書八分聊易升斗活  
妻子誰識瘦硬能通神篆散楷始波勢難王蔡喪  
久古意殫孰云區區等餘聞我自隸下不欲觀先  
生愛余若忘癭數爲臨池不煩請盤蛟屈蠖形蟬

蛭割程取李法井井東吳顧藹少雄逸金陵鄭簠  
師剝蝕百年以來彌放紛晚見先生稱巨擘同時  
金農亦淳古筆陣庶可當旗鼓餘子碌碌何足數  
安得金篦刮取雙瞳明先生喪明  
比三年矣重見森然芒角毫  
端生

送釋明中還南屏

上人久不出牀下置雙屨昨自南屏來復向南屏  
去禪心固無著塵世原非住幾日別山中黃落階  
前樹

馬四曰璐往南莊刈稻奉簡



寶閣堂集 卷四  
收穫乘秋霽新霜稻隴清江村須暫往病體況初  
輕豈爲家人計聊觀歲事成東屯有佳句莫惜寄  
同聲

月夜泛舟城南

清濠源蘆碕月出更幽迴沿緣入虛明上下澈翳  
影叩舷一長嘯微風吹素領翛然若乘空澹爾自  
心醒前林聞村砧遠岸辨漁艇不惜曙河傾眷此  
秋夜永

題朱檢討

彝尊

嚴編修

繩孫

高詹事

士奇

墨

蹟後

諸老留題一卷詩閑窓披翫各清規中朝文物風  
流盛想見 仁皇御宇時

湖塾種菜歌

天地反覆兵戈稠開門降表紛公侯請看采薇種  
瓜者雖未殉國皆高流常公開平之子孫運移無  
力康艱屯慷慨沈江偶不死優游學圃終其身肩  
隨抱甕有佳婦上公之女徐夫人曾孫手持白雲  
怡傳請我一作種菜歌豫州課人蓋自晦邵續矢  
志知無他英雄失意每若此臨風感歎將如何

江上秋望



千重楚岫浮空出萬里巴江到海迴楓葉蘆花久  
蕭瑟渚雲沙鴈與徘徊衰容冉冉誰期至暮色蒼  
蒼自遠來本爲散懷聊送目不知秋氣轉堪哀

秋晚登三賢祠高詠樓

肅穆靈祠一水傍更添層構納秋光竹閒雲氣連  
吳岫簾外松聲下蜀岡異代同時俱寂寞西風落  
木正蒼涼登臨不盡千秋感獨凭危欄向夕陽

將往南莊東馬

曰璐

避俗苦無地何以寄幽賞舊遊近可尋佳境紛在  
想故人茅堂前江山若指掌平生耦耕心豈厭數

還往霜木澄朝暉寒瀨結宵響寤言與子期斯焉  
挹蕭爽

夜雨

渴雨看秋盡驚從枕上聞氣寒吹短燭響遠散高  
雲老覺酣眠少貧惟望歲殷明朝到田舍隴麥定  
芸芸

登大觀樓

挂席無淹薄陟閣事窺臨潮來失近渚禽起辨前  
林落日雲霞氣西風樵牧音索居謝塵瑳養病罷  
書琴暫爾領閑曠悄然對重深形勝豈不偉顯晦



寶閣堂集 卷四  
悵俱沈開府清夜賞公子異鄉心諒匪託文翰末  
由徵來今

冬日過建隆寺

廣殿敞寒霽入門妙香傳移時風林寂梵音散清  
圓有適自成憇偶來非問禪性定法界見境空短  
晷延澹然久相對黃葉墮滿前

題洗象圖

法門離垢期垢已豈徒祛醉兼調狂蓮花承趺久  
馴擾與獅孔雀皆明王春浮樹下諸天擁植立如  
山屹不動錦幪金鈎侍者持雕盆珍帚蠻奴奉爍

然尺幅出畫師中有清淨妙義垂閭牟那河在鼻  
上猶煩八解定水施爲法辛勤三澣濯精進工夫  
非淺薄直至虛通無象時試問垢于何處著

獨釣

索居久塵外寸心了無屬朝出祇獨釣暮歸還獨  
宿疎柳臥汀沙殘蘆搖溪淥盡日灣碕閑荒逕往  
來熟寒魚不可得幽興亦云足泛泛溪上鷗兩兩  
自相逐

寒菊

歲晚見黃菊孤芳枯槁中離披向寒日寂寞任霜



寶閣堂集 卷四  
風至性雖能久良時亦有終直堪松柏並何止傲  
春叢

爲某大將軍題全蜀形勝圖

井絡天維壯蠶叢地勢遙山川接邛笮風壤雜獐  
獐惟昔謀元帥非徒挽大弔籌邊峻烈在聚米虜  
形昭坐鎮欽明牧開藩領衆僚丹青思設險郡邑  
各名標花鳥城池麗魚鹽貢賦饒二江迴絕徼雙  
闕礙重霄往者金川役誰令小醜驕六師窺焚道  
萬里渡繩橋競喜歌常武終看格有苗憂勤煩  
廟算飛輓費民徭壯觀逢今日提封拓 聖朝疆

圻良已固氛侵未全消要害知能悉功勲豈更邀  
由來儒雅將不羨漢嫖姚

寒齋遲客

養拙空林下蕭然自閉門寒禽喧竹外敗葉擁籬  
根晚序殊堪惜孤懷孰與論殷勤望之子霜月久  
當軒

冬日飲淥菴聽徐山人彈佩蘭操

鴈堂肅清晝拂席理瑤軫目存寒景靜想屬空谷  
遠微風獵芳叢暗泉滋九畹幽人遺世情服媚寄  
縑繆寥寥不終奏心耳已蕭散遐契在弦外悠然



忘晚晚

題方秀才輔觀化圖

予施與黃苞自然敦化機冥移物罔覺靜者省其  
微宗無道安守淪空塗更迷不見剝落餘春風已  
迴枝悠悠與終始百歲無已時豈不苦倦勤逝者  
固如斯

冬日過秋雨菴聯句

人事匆匆歲逼除蔣德却來塵外問僧廬王藻庭

梅尚覺春風遠陳章徑竹偏憐晚照疎陳阜野渚

蒼蒼歸鳥雀吳廷采香門寂寂度鐘魚余夢老年身

與閑雲似張四科宴坐忘言萬境虛德

屠維單闕

沈翁廷瑞畫松歌

甲申之禊明社屋城郭燔燒盡喬木沈翁耕巖先  
生孫流離恥效窮途哭閑來潑墨畫古松聊與市  
兒易饘粥藏名寧異酒家保避地不賣成都卜往  
往藉此自抒寫倔強之而森滿幅拂榦依稀霄漢  
迴盤根想像蛟蛇伏我昔識翁苦不早持贈遜謝  
筆花禿宛如覲彼山中人太冠長劍被奇服塵埋  
篋笥幾春秋忽展虛堂風謖謖壯觀妙品久銘心



撫今追往頻拭目猗歟哉明廷佳氣何鬱郁百年  
雨露資亭毒如此良材應不乏莫使輪囷臥空谷  
得王大令瑗書却寄

山重水複三千里雨散雲飛十二年愁裏尺書空  
慰藉別來時事有哀憐西師調輓仍如故壯地人  
文不及前況值惠連新下世謂秀才晚定知涕淚在遺  
編

折枝花

種樹惟應種杞梓堪笑不材植桃李時世乃更尚  
折枝生意已斬花未知銅瓶注水供槌几屈蟠紅

白空妍姿可憐根株永相失竚見彫落不終日奉  
君清翫且不終何況纍纍望秋實

雕籠雀

紇干山頭凍不死託身君家雕籠裏楚楚毛羽柔  
軟音悅君之耳洽君心綠窗春暖恣嘲哢自比丹  
山九苞鳳樹上老鴉烏烏鳴略通禍福非惡聲主  
人不愛遭驅逐輸爾在笄足飲啄

出塞曲

昨暮辭長安今日出飛狐漢家急邊事一身貴馳  
驅黃沙經春暗百草綠微枯下馬瘞戰骨上馬望



穹廬天山昔云遠今更萬里餘徵兵五千人亭障  
苦空虛雜虜安可盡撫劍心踟躕奇功倘能立衛  
霍良區區

貞鶴行

昔有雙鶴雀伏子高樹顛村童上樹慣巢卵潛易  
焉出殼則非類雄怒搏且謹雌者難自明仰噪如  
呼天却顧忿弗勝引吭枝閒懸當春禁麝卵善令  
古所存勿謂物命微況使終銜冤生死亦大矣曷  
不忍自全曖昧倘莫辨苟活誠胡顏微禽乃如此  
聞者爲辛酸世無秦臺鏡疇能照心肝君子常恐

懼不處嫌疑間

春日過秋雨菴

悠然理輕策又此叩禪關鳥下夕陽靜花飛梵唱  
閑吟成聊永日坐久若深山豈悟觀空理春風自  
往還

蘇氏園看玉蘭

曲巷無人到春風此杖藜花含朝露淨門掩夕陰  
低賞自閑中得幽堪靜者棲城西車馬地桃李漫  
成蹊

送蔣德之關中



落日低秦塞春雲暗嶽祠鄉心方悵望別緒各淒  
其歸老吾虛計行歌爾共誰茅堂假宿夜江海枉  
相思

題獨樂園圖

宋元名氏畫有  
張樗寮即之跋

豈因用舍不同憂人外聊欣卜築幽花鳥有情當  
嘯傲水雲無意共夷猶謝公終爲蒼生起裴令常  
思綠野遊尺幅丹青獨千古洛陽園囿久荒邱

春日郊行因過懋公

春色日以佳閑行意超越病體覺初輕衰步宜屢  
歇度隴麥芄芄過橋溪活活平原杏花外暮鐘動

荒刹晏坐偶禪公忘言對新月

題馬和之畫小雅圖

鹿鳴之什十章  
宋高宗御書

左圖緯右史聖學所權輿懿歟宋光堯典籍恒手  
書燦然十章詩臣和綴斯圖緬維文武際邽隆婉  
黃虞政治分內外恩意別親疎飲食悅賓賢禮樂  
寵馳驅遣戍豈威武備物匪康娛惜哉偏安主耽  
翫良區區徒令翰墨場寶之同車渠周道昭忠厚  
曾不倚崇居即茲宴饗閒情文何紆餘嗚呼百世  
下省覽將焉如

兒圻歸里省試作詩示之



寶閣堂集 卷四  
驪駒嘶在門行子牽我衣念汝年將壯我傍未暫  
離舐犢豈無愛戀棧寧所宜故鄉必恭敬秋賦有  
程期既非事浪遊況及余未衰

居常申家訓讀書薄浮榮苟欲裨世用豈不在功  
名顧爾才雖謫勗爾期有成生幸爲男子時復際  
升平鄰桂倘可攀庶希作國楨

嗟余去鄉久託迹江海上寧不念松楸方奉北舍  
養歸計終當營田園幸無恙道路雖云遙邱隴行  
在望顧弗與汝偕眷焉一悲愴

進廁郡國良退敦婣族好勿謂士風樸關學可研

討勿謂鄉里貧淳俗尤皞皞此行宜勉旃匪謂千  
里道苟能秉話言何異在懷抱

竹亭翫月送蔣德之關中

隔竹見春月幽興共難極嘉此林下期平生凡幾  
夕送君千里行清光幸不隔

彈琴

玉琴取自適意不在弦徽靜夜雜泉韻空林澄月  
暉猶嫌古調少已歎賞音稀寂寞海山畔千秋吾  
與歸

謝客



敝廬恒靜掩形影自相於安賤清時內忘名白髮  
初雨餘三逕草日仄一牀書傳語應門僕無勞長  
者車

苗刀歌爲申某作

吾聞羣苗洗兒以鐵賀鑄爲長刀百鍊過君之所  
佩無乃是當軒拔鞘寒生座氣干虹霓利削鐵柔  
可繞身剛不折旁行繆結篆姓名迎刃殷紅鏽膏  
血憶昔古州犯順年太平宰相輕開邊侵凌詎識  
嗟無告焚掠寧關性本然此刀斬馬稱難敵苗平  
乃被吾人得請論改土與歸流始惡凶頑終憫惜

五尺銛鋒久不磨光芒中夜猶驚夢蒯緱豈有珠  
玉裝夫君寶此知何用君不聞昨朝庫車大和卓木城名捷  
音至西方萬里消兵氣不逢不若無所試君曷賣  
之買犢從農事

鄭氏休園

蒼蒼池上山鬱鬱園中樹不越厓市閒居然登臨  
趣清晝偕詩客空亭理茶具境適跡自延心賞景  
畢赴玉津極繁華金谷擅豪富曾幾就傾頽耐久  
遜樸素滄桑雖云歷泉石幸如故何當容日涉于  
焉謝遐慕



月夜登平山堂

舍舟陟層岡逕轉出松上山堂小延憩湖月益清  
曠靄靄帶浮嵐森森接遠浪虧盈良有常澄明自  
無量古人雖冥邈高風未淪喪何以託遐懷賴此  
從微尚蒼煙漸欲消百里了在望沉沉夜何其叩  
石發孤唱

古詩一首懷蔣德

青春悵言離朱夏乖未央既念遠行役復此思舊  
鄉思念屬何許日夕西北望洪河何浩浩華嶽何  
蒼蒼其一河嶽雖迢遞客子胡次且曰歸計不就聊

復眷遊娛和風茂楊柳暑雨發芙蕖豈無一日歡  
終言感離居其二離居日已積長路且未返羈禽飛  
自孤離獸音不緩紛余惜別意不在去近遠跂余  
願見心不分淹旦晚其三與子各天末識子已齒壯  
詐善希張湛一言驚叔向與古相為徒斯道宜未  
喪愧君獨無成忽焉改顏狀其四牙生罷鼓琴却顧  
無知音思婦懶臨鏡誰復悅已深終朝輟翰札連  
月廢謳吟以彼感激懷兼茲戀嫺心其五豈緊久離  
別良非遲暮事攜手諒所欣飢驅復何意前期幸  
有在盼望秋風至願為比翼鳥翱翔以沒世其六



文丞相祠

柴市從容正氣揚  
歸然祠宇舊江鄉  
近村野叟猶春社  
老樹空庭自夕陽  
萬里早甘時棄置  
一身終繫國存亡  
倉皇受命貼危日  
大厦難支亘古傷

夏日閑居

虛館絕逢迎  
長夏任疎懶  
終日未能冠  
有時亦開卷  
愔愔蘿月閑  
泠泠竹風善  
煬炎自然空  
襟塵不煩  
澣與世若相棄  
對酒頗自遠  
百年諒如此  
余已悟所遣

五月望夜同人過榮木軒翫月

曰余繚清夜  
佳客復停軒  
仲夏草木盛  
月露皓以繁  
澄澄出東海  
徐徐隱西垣  
暄候忽已涼  
短漏亦云延  
疎酌相獻酬  
雅歌共盤桓  
達人勤秉燭  
高賢憂空尊  
美具賞仍暫  
樂往感徒存  
一悟盈虧理  
終宴意彌敦

止酒

有酒盈尊余生何求  
豈惟合歡亦云忘憂  
胡乃余病職汝之由  
酒焉以終伊誰之尤

流水鑑微兼山義大  
夙奉斯文云胡猶昧矧茲崇  
飲古訓所戒亟言止之庶幾不殆



維昔名飲美此無度荷鋪是甘鴟夷是慕今我止  
斯匪躬之故堂有黃髮室有幼孺  
匪無酣適匪無妙理濡首可羞腐腸良以爰屏杯  
鐙不旨其旨豈曰暫而永言百禩

得蔣德書

山水嶠函隔鶯花郭杜春遠遊君易感歸夢我空  
頻書到寧離話憂深獨旅人甘涼輸挽地赤旱奈  
罷民

池上

疊石參差水面迴追涼閑趁白鷗來長吟濯足不

知久日落荷花無數開

黃山歌送程處士通歸新安

茫茫揚州市所遇多凡材髯兮相識三十載睂宇  
疎朗烟霞開投詩告別問何往家在黃山歸去來  
吾聞黃山四千丈舉頭咫尺青天低上有亘古不  
朽之松樹下有萬派不竭之清溪幽深毓靈草  
仙所刀圭重險相閱錮絕徑尤迴迷猿猱望之且  
不可度樵夫牧豎何由試攀躋況復雲海截上下  
長風鼓盪白渺瀰蔽虧光景莫測度恍惚氣象無  
端倪我為黃山歌不獨歌黃山世事紛變幻有甚



青屏顏朱門旦夕改青山鎮常在夫君七十雪垂  
耳更向何門踴珠履合去徜徉好山水丹砂泉金  
鷺葢啜拾曾聞能不死坐待千年生綠髓

幽居雨後書懷簡陳章

長晝衙門掩空林霽景舒連朝雨初過一室暑  
無餘氣通簾內竹光侵座隅臨風久晞髮見月自  
傾壺昨者甘霖降歡聞四野呼天時雖順應人事  
有憂虞調饌今方暇沈疴子亦蘇相攜欣在眼此  
夕敢嫌孤

旦至紅橋隄上

長隄閒無人杖策亦何早寧爲炎氛病自愛湖天  
曉涼露泣高荷陰霞蒸林表跂石心悠然微風聞  
水鳥

病中示客

不能淨五塵乃爲垢頻繙神農書遂止陶潛  
酒有客來問訊微言洵善誘曷不遊空門庶幾  
世牖平生未學佛淨觀頗亦久卽實固成障憑虛  
仍妄有大隱不絕俗小人況有母一笑謝客言塵  
襟自抖擻身心忽相忘病苦復何受

病起



衰始先病秋來喜乍輕敢言中有恃差幸內無  
營眠食漸如故琴樽仍獨清行休原定理且復盡  
吾生

思歸

駸襍州地如何著此身背時聊避俗省事略  
華山曉垂竿渭水春白頭看漸是甚日遂  
歸秦

金盤曲

天下丁喪亂大義罕弗虧丈夫不自保而況婦人  
爲偉哉史夫人殘形全其髮兄公此開府誓與孤

城隳或云青羸去或云沉江湄無賴假名號嘯聚  
海東垂大帥縛之至械繫盈階墀令與家人質因  
隔廳屏窺詎料漁色徒四顧眼迷離明旦使請婚  
倉卒牛酒來夫人頽然怒默默掩房闌自取輕一  
尤悔罹家國痛已破支體何憚糜揮刀向  
目下如綆縻太守坐前堂洋洋方致辭將  
新朝寵功成年少時一朝復富貴百口係從違金  
懸忽捧出雙睛血淋漓迎者喪氣返觀者爲歎悲  
截耳見迫斷臂憤被持嗚呼夫人烈豈不與之  
齊凜凜不可犯的了更無疑陰教信有素家風吁



可分一女子猶甚百須眉

田間卽事

遊困殘暑小憩村樹陰稻壠接江介萬頃皆黃金  
薶草已向畢沓潮無侵淫農歌宜幽閑云胡辛  
音 蝗不爲災遺蝨猶林林越冬懼滋生  
老父田中歸留客情何深爲我具雞黍  
酒勸頻斟傳言海州蝗飛食二東稻 詔下切  
責大吏幾解簪蟲孽固么麼天戒或貪臯安得賢  
守宰推本 憂勤心

望茅山懷劉鍊師 貞吉

高樓有所思秋空浩千里鬱鬱華陽天青翠三峯  
是差參六江外變滅白雲裏采真渺昔遊羈俗淹  
返軌先生茅許流九十尚兒齒妙一攝坎離希夷  
泯神鬼偃仰古壇陰松風清似水

玩

遲遲合荒庭暮色沈殘霞猶水外疎雨  
陰望遠經時信悲秋向老心蒼茫還獨立燈火夜  
深

婦

朝 不得錢易米姑不飢暮爲人擔水仍可



一  
始加人願足不惜終身執勞辱家貧養薄孰謂我孝心增悲

周益至自蜀中見過有作

祿  
臨歲握手又新寒萬里喜身健青燈詩  
且意外絕藝是愁端且盡一杯酒休歌道難

秋日竹西亭望江南諸山

經時資藥餌端居絕遊娛微性曷由遂積抱安所  
攄蕭辰適強起曳杖越郊墟危亭偶成憩遠目暫

以舒羣峰表江介空翠照座隅勾縣極東楚合沓  
藏南徐遙林紛隱映鮮雲增回敷久苦奇懷慳忽  
興壯觀俱平生慕長往此際重躊躇帶水且跡阻  
餐霞終願孤孱質不自奮世網匪難疎漸彌  
返吾廬

帝曲

帝鳥戢翼太陽沒百尺樺枝堂上藝啼鳥刷羽天  
外旦一隊笙歌花外散托身君家樹頭棲警昏辨  
曉冀三迴宵爲晝恣行樂反嗔啞啞終夜

之順德



白雲相 役時命自堪哀此去知難挽何時還卻  
回雪 陸澤雲暗沙上臺到日逢南鳥無  
來

薄暮步至硯池上

行 知遠南池已天暝鳥歸林霧深月出風  
寒自成趣寂莫無所競悔不攜琴尊沿綠  
河興

兒 南來久未至遲之

頻傳歸耗又殘秋盼爾時時獨上樓此際羸驂定  
何處白雲紅樹望揚州

秦權

銘文漫漶惟丞相斯三字可辨

秦皇執捶夷六國銷鋒鑄鐸矜威德昭設備器垂  
常式維權稱物五則端園而環之重一鍤土之剝  
蝕銘文刊厥製肇自伶倫始仲春是正一亂鳴  
龔 猶令黔首一

兒子 至

鄉久去百關心乍解行衣喜不禁本視科名同  
脫屣 止壟一沾襟老因生事猶空  
編 何日相將歸計遂祇應祝我健如



往日八日消寒宴未停賦成融藻雪  
主老去供多病愁來任獨醒不堪雞黍局歲晚亦  
凋零

聖子園棊歌

江聖子十歲工園棊今朝喜相試皎若蓬村  
叔清簾疎簾白日永楸枰坐對虛堂靜手一音數  
天一星心陣既成人未省忽起作剝累蠟鳳名  
論詩據石鼎我觀是兒有宿慧如錐處囊未脫穎  
君不見李贊皇七歲抱送中書堂能以方圓動靜

答妙喻豈在覆圖爭劫分豪芒況堯以訓不肖子  
匪謂聰明如爾比少壯至老彈指耳費時失事嗟  
如七段勤研墨拂行波請我一作園棋歌我考  
耽此戲因循讀書遂不多即今空自每有雙  
童子童聖子然不及時就外傳他日藝成將治

登甘泉山

郊莽平楚崇陵表步仞邈爾蓄雲雨巋然作固  
鎮憩白石升阪遺喬林塵居夙鶴詞  
瑶斗迴陰岡亦宿列振衣陟中風



將  
存漢王墓想屬陳公陂古人  
六警

吾道

正始雖榛翳前脣足楷模可能追大雅安敢向時  
詠難免譏訶實有徒斯文如未喪吾志豈

榮木軒對雪同吳  
廷采余夢易作

身未思負宣風雪乃如此冉冉枯稊積沉沉  
委烏雀方絕踪何意來二子物賞有餘清天道無  
終否爰生任僵臥東郭甘穿履攬古一尊閒歡言

殊未已

雪霽書懷東二子

貴室曠晨興乾雀破朝靜臥聞凍滴喧起視  
以南榮暫舒散尚苦朔風勁墟里起炊烟  
冢婦  
往天北人混江江山忽晶瑩含情倚高齋  
張寄微詠  
一君白雪才夙具登臨興層冰滿川  
惆

雪後登樓

積雪  
靜新晴別墅幽竹光低覆  
樓  
蹲野衝寒鴈泊洲登臨愛軒  
迴



寶閣堂集

卷四

靜公房

茲辰歲云除近郊仍曳杖老僧留我住茗粥一相  
餉輕烟花上霏微雨竹間響隨意待淹留悠然謝  
紛攘  
此芳序來堂堂徂年往不賴無生理  
由  
張惘

寶閣堂集卷四

